

- 1) Da diese Flurnamen nicht eindeutig einer bestimmten Gemeinde zugewiesen werden konnten, wurde im Ortsregister unter Häggingen und Tägerig pauschal auf sie hingewiesen.

Dorsualnotizen vom Landschreiber der Freien Aemter, B e a t II. Zurlauben.
AH 69, 88

56

1605 Februar 23.

A

SCHREIBEN VON SCHULTHEISS UND RAT VON LUZERN AN AMMANN UND RAT
VON [STADT UND AMT] ZUG

"Als hüttigen morgens Herr [alt] Landt Amman [und derzeitiger Ratsherr Rudolf] R e d i n g ... von Schwytz von Solothurn nacher alhie by unns durch gereiset, hat er uns berichten lassen, alls dann wir sonsten neben dem auch von andern Orten haar gloubwürdig unnd warhaffte bericht worden sindt, dass der nitwe Herr Ambassador ... [von] Franckrych [Louis Le Fèvre de C a u m a r t i n] wölllicher vor ettlichen wochen by iüweren unnd unseren ... [Schultheiss und Rat] zu Sollothurn ankommen, sich gegen den Herren Landt Amman Reding unnd sonsten, auch vermerken lassen von sich erclärt auch des endlichen willens unnd vorhabens sye, diewyl ihr Maiestät [H e i n r i c h IV.] von wägen der mit Königlich Catholischer Maiestät zu Hispanien [P h i l i p p III.] in vergangnem Jahr [1604] ernüwertem Meylandischen Pündtruss unnd Vereinung höchlich offendiert, unnd unns den fünff Catholischen Orten deswägen einiche Zallung zuo erlegen gesinnet, es sye dann sach, das wir deshalb ihr Maiestät mit gepürender reparation begegnet, mit fernerem bericht das der meertheil der übrigen Orten unnd Zuogewanten schon albereit ihr Zallung empfangen haben sollent. Dorumben dann unnd uff sollichen bericht hin wir [als Vorort] für rhaatsam unnd gantz notwendig sin geacht, das wir die obbemelten Ort ferners nit also zusehen sonder unns zuosamen thuon unnd durch ein gutte ... algemeine berhaatschlagung wie diser sach zuo begegnen sin wurde, auch welchermassen wir zuo unseren Zallungen khommen mögendt, unns durch einanderen verglichen unnd vereinbaren sollendt. Deswägen zuo Verrichtung dessen unnd wyl disere sach dheinen verzug nit Lyden mag wir unns den vorgeantten Orten in aller yhl ein gemeine Zusammen Khunfft unnd tagleistung angesehen bestimpt und ernamset uff ... Sambstag den 26. tag dis lauffenden monats Februarii morgens by gutter Zyt by den unseren Zuo wäggis zuo erschynen¹, mit fründtlicher ... pit ihr

unbeschwärt sin wöllent üwer ehrsamme Rhaatsbottschaft die der geheimen Rhäaten unnd zu berhaatschlagung eines solchen hochwichtigen gscheffts wol erfahren syende mit notwendigem ... bevelch unnd gwalt abzevertigen [- Zuger Tagsetzungsgesandter war dann Hans Kaspar L e t t e r -] älls unns nit Zwyfflet die übrigen Ort ebenmessig thun werden, damit allda khonne unnd möge berhaatschlaget werden was ein sollich wichtig geschefft ervordere".

1) s. EA V 1, 729 (Nr. 555)

Original, mit Siegel - AH 69, 89-90 - Blatt 90^r leer

57

1615 März [30./]20.

A

SCHREIBEN VON SCHULTHEISS UND RAT VON BERN AN AMMANN UND RAT
[VON STADT UND AMT] ZUG

"Wir könnend üch gutter ... nachparlichen wollmeinung nit verhalten, wie das sich nun ein Zytt dahar begeben, älls Jr unnd andere ... mit Jr F. Dht. Jnn Savoy [Herzog K a r l E m a n u e l I.] verpündtete Ortt dero Volck¹ zuogeschickt, unnd dasselbig Jren wegen über denn Brünig genommen, sy unversechner wys unnd uff ein mal Jn grosser anzhall uff unser Land unnd Boden kommen, Unnd von unseren Amptlüthen mit unglegenheit so woll üwers Volcks älls auch unserer underthanen halb us der ursach uffgehalten worden, das sy denselben kein zügnuss fürwysen könnend, das Jnnen der pass unnd durchzug von unns bewilliget sye, ohn welches sy sich nit gweltig nach befügt gwüst sy passieren zelassen. Also das erst Jnn allem anzug mit der üweren unnd unserer unglegenheit umb den Durchzug angehalten werden, unnd endtzwischen das Volck Jnn costen ligen unnd darauf warten müssen. Nun wüssend Jr unser ... Eidtgnossische brüch unnd alt Harkommen, deshalb vermögen unnd bishar Jn sölchen fhälen von einer Oberkeit gegen der anderen mit begeren des passes unnd durchzugs geübt worden. Unnd obwoll wir erachten, das bishar die versummus von denn Hauptoder Jren bevelchslütten harkommen, hieneben aber von unseren Amptlütten des [Berner] Oberlandts bericht sind, das uff die 600 Man von üch unnd anderen Ortten Jn Jr F. Dht. dienst geschickt, unnd Jre strass durch unser Oberland nemmen wellind, ohne das wir von Jemandem umb den pass ersucht worden. So haben wir üch doch dessen ... erinnern unnd verkünden wellen, das wan üwer usgeschickt Kriegs Volck unsere Land zegebruchen vorhabens, unnd nottwendig,